

**-SENAT-**

Broj: 01-6-77/22

Sarajevo, 27. 04. 2022. godine

Na osnovu člana 130. Zakona o visokom obrazovanju („Službene novine Kantona Sarajevo“, broj 33/17, 35/20, 40/20 i 39/21) i člana 59. i 257. Statuta Univerziteta u Sarajevu, a u vezi sa Zahtjevom Kantonalne uprave za inspeksijske poslove Kantona Sarajevo za davanje tumačenja, broj: UP-1-14-12-34-04868/22-12/05 od 11. 04. 2022. godine, Senat je na 46. redovnoj sjednici održanoj 27. 04. 2022. godine, daje *s l j e d e ć e*

T U M A Č E N J E STATUTA UNIVERZITETU U SARAJEVU

I

Član 194. stav (1) tačka b) Statuta Univerziteta u Sarajevu broj: 01-1093-3-1/18 od 28. 11. 2018. godine sa pripadajućim izmjenama i dopunama (dalje: Statut) glasi „*viši asistent: stepen drugog ciklusa studija, proveden izborni period u zvanju asistenta i sa najnižom prosječnom ocjenom i na prvom i na drugom ciklusu studija 8 ili 3,5*“.

U smislu naprijed navedenog, pri tome imajući u vidu opća načela vezana za hijerarhiju primjene propisa i uslove za izbor u naučnonastavna zvanja koje utvrđuje Zakon o visokom obrazovanju („Službene novine Kantona Sarajevo“, broj 33/17, 35/20, 40/20 i 39/21) Senat Univerziteta u Sarajevu konstatuje se da uslov za izbor u zvanje višeg asistenta, pored stepena drugog ciklusa studija (magisterija) odnosno integriranog studija sadrži i uslov provedenog izbornog perioda u zvanju asistenta. Ne postoji zakonska razlika kod procjene prvog uslova kod izbora u oba zvanja. Dakle, kod postupka izbora u zvanje asistenta vrši se procjena uslova kandidata i to u pogledu završenog ciklusa studija koji se vrednuje sa najmanje 300 ECTS bodova i najniže prosječne ocjene 8 ili 3,5. Ovaj izbor odnosno procjena navedenog uslova kod istog predstavlja ujedno i prethodno pitanje odnosno polazište kod daljeg napredovanja akademskog osoblja u viša naučnonastavna zvanja.

Uzimajući u obzir da se na većini fakulteta/akademija Univerziteta u Sarajevu ne izvodi integrirani studij nego studij prvog ciklusa u trajanju od tri ili četiri godine i drugog ciklusa u trajanju od jednu ili dvije godine, koji u *zbiru* čine zakonski uslov za izbor u zvanje asistenta i vrednovanje studija sa najmanje 300 ECTS bodova, kod postupka izbora u zvanje višeg asistenta može se uzeti u obzir samo prosjek ocjene kandidata koji je vršen kod prethodnog izbora u zvanju asistenta. Na ovaj način osigurava se načelo jednakosti u postupanju i vrši provedba zakonske norme određivanja ovog uslova.

Kandidati za koje se vrši izbor u zvanje višeg asistenta su odlukama nadležnih tijela Univerziteta i organizacionih jedinica i zaključivanjem ugovora o radu uvedeni u radno pravo, te u tom pogledu ostvaruju prava, obaveze i odgovornosti u skladu sa propisima o radu. Osnovno načelo u radnom pravu je načelo pogodnosti (*in favorem laboratoris* ili u korist radnika). Ovo načelo

podrazumijeva da u slučaju kad je neka pravna situacija ili pravni odnos reguliran različito, primjenjuje se onaj propis koji više pogoduje radniku.

S druge strane, nadležna tijela Univerziteta/organizacione jedinice su obavezna preduzeti sve potrebne aktivnosti, u okviru utvrđenih nadležnosti, s ciljem sprečavanja *vršenja diskriminacije članova akademske zajednice*, kao i *osiguranja njihovog akademskog napredovanja*.

Zaključno, Senat Univerziteta u Sarajevu konstatuje da je u primjeni ove odredbe Statuta došlo do pogrešne primjene odnosno određivanja nepovoljnijih uslova postojećim članovima akademskog osoblja kod napredovanja u više zvanje, te da je odredbu člana 194. stav (1) tačka b) Statuta, u postupku donošenja i izmjena i dopuna ovog propisa, neophodno uskladiti sa zakonskim uslovima.

II

Tumačenje predstavlja integralni dio Statuta i objavit će se na web stranici Univerziteta u Sarajevu.

REKTOR
Rifat Škrijelj
Prof. dr. Rifat Škrijelj



Dostavljeno:

- Kantonalnoj upravi za inspekcijske poslove KS, Inspektorat prosvjetne inspekcije
- Organizacione jedinice UNSA
- Web stranica UNSA
- U dokumentaciju Senata
- Arhivi